

آیونه بدلی

برسنة لك الی ایكی نسخه سی پوسته
اجرتیله برابر بروجہ پشین ۲۵
غروش، استانبول ایچون اداره خا
نه دن آلفق اوزره ۲۰ غروشده.

نسخه سی ۲۰ پاره در

معارف

طوغار مهر ترقي عرش اعلاى معارفدن
اودر نزهتسرای کائناتی ایلین روشن


اداره خانه سی

باب عالی چاده سنده قصبار کتبخانه
سیدو، رساله یه متعلق کافه مشو-
لیت و خصوصیات ایچون (قصبار
کتبخانه نسخه) مراجعت اولونور.

نسخه سی ۲۰ پاره در

پنجشنبه کونلری نشر اولونور فنی و ادبی رساله

محرری: ابن رفعت ساح



بیژنک جلوس هاپون

بوکون نور جوشاجوش عدالتی آرایش باصره شکران اولان پادشاه بی اشباهمزه
کمال عن واحتشام ايله سریر مهاتصیر خلافته جلوس بیوروب شوامت معظمه اوزرینه
اراحه جناح صیانت ایده رک مصائب روزکاری دست قدرتمداری ايله طاغتمغه،
باشلادیغی صباح الخیر فیوضاته مصادف اولدیغندن قلب ملت کرماکرم انشراح
ومسرتدر.

او شهریار معلا شیم که نور هدی
فضای طبع بلند کده شعله پیرادر
کمال عدلی بتون کائناته نشئه رسان
عالو لطفی نشاط آزمای دنیادر.

بوکون و بوکیجه واسع دکزرک آغوشنده خیابان جنت کبی منظور اولان مملکتیز
اک روحانی نشئه لرله متبسم برقلب کبی شعضه سعادته بورونه جک، آسمانه او هیئت
علویه ایله حر مسرای لاهوته مشابه کورونه جک، عثمانیلر ترانه مسراتی سمواته،
علیننه اک نهایت بارگاه ربانی یه ایصال ایله ارائه آثار شادمانی ایده جکار، خلاصه:
جهان اسلامیت ماضیده کی اجلال واحتمشامی ایله آتیده کی عظمت مطلقه سنی
دوشونه رک منجرت عمومیه نک آثار ظاهریه سنی بتون کائناته کوستره جکدر:

بوکوندر او عید منور که: عالم
اولور سور شادی تماسیله خرم
ندای سعادت کلیر هر لساندن
جهانک مسراتی طاشقین جهانندن
یاغار خاکه نور صفا آسمانندن
کیدر روی آفاقدن ژنک ماتم

بونشو بی پایان بختیاریدن حصه دار افتخار اولان «معارف» ده: پادشاهم! خطابی ایله
اوداور کر مکاره توجیه کلام ایده رک شو دعای واجب الایفای تکرار ایدر.

همیشه تا بهاران صبا بصفحه باغ
هزار نقش نکاردز خط ریحانی
بباغ ملک زشاخ امل بعمر دراز
شکفته باد کل دولت باسانی